

Si unu nasci cun un pogu di fulthuna,
signà unu, dui, pari cosa e ?
in un momentu poi abé tantu bé,
e sinnanda tutta la tristura !.....
Da lu maestrhi lu bravu giugadori,
piglia in manu la povara schedina,
la studieggia cun amori.....
la piena di grozzi e cabbi di mosthu,
ni fazzi un veru campusantu,
e la raccumanda a casghi grandi Santu.
Cun castanzia,
sconza e ciamba, arrivi a ra fini di ra ghedda
a ra dumeniga piena di ispiranza.
Lu povarettu sogna una casetta,
tutta profumu sia l'arietta
cunturnada da un beddu giardinu,
cun sicurari aiburi di pinu....
Ciruri cirurirurà, l'usignoru cantarà
da lu manzanu a la sera,
e cun più garruli ardenti in primavera.
Una cantina piena di cuboni,
pa cu l'amighi fa li riunioni
a bi lu vinu bonu - ex fa rattamei
cussì dimentiga li tempi tantu fei.
Cuccoidu e ciogga minuta non si ni magna più
mabombi; mezzu atomighi, cundidi cun ragu'.
A RA VIGNA L'allegri scampagnadi,
impari a ri passoni tantu amadi.
Di ispesi si ni fazzini assai, assai,
cumentu non sinnisò fatti mai;
mobiri, vistiri, botti variopinti cavatti,
pa no pagalli, pascariddai, mai più a ratti.
A terra li illustri passoni,
li nobi ricchi vi ponni in suggizioni.
Povari ricchi, eppuru lu vostru cori é trugliuraddu
li tassi vi ani sempri cuntristadu -
A tutti chistu giogu sia prupiziu
ma pessiani cun giudiziu,
a ca la fultuna andarà,
ringrazia Deu e puru cunsurà,
li maraddi, li vecchi, e l'oirfaneddi

Sinnanda pianu pianu lu scuru veru
e scuminza a brilla lu zeru.
Timidi e trémurendisi,
si acciarani l'ultimi stelli,
L'aria é fresca?
Li pizzoni i ru caldu nidu
scuminzani a immubissi,
ni boggani li cabbareddu
da sotto l'ära,
si acconzani, e cu lu beccu
l'unu e l'altu,
si accarezzani con amori !
Cantani la natura si scedda !.
Li campani di li Gesi,
già chiamani con bozzi argentina
L'Agnari si sceddani
da lu dozzi sonnu,
ibattini allegri l'ari,
lassani la costhi Divina.
Vorani i ru immensu Zeru
in zescha di animi boni,
chi cun grandi amori
voni adurè lu Signori !
Ave.... li dizzini i ra recci,
cunsigliendiri la Santa Preghiera,
Ave... cussi la di iscuminza,
cussi fini a ra sera.....

Spes Ultima Dea

LU PICCINNEDDU

Lu piccinneddu é un fiori troppu beddu
allegra la casa e lu giardinu,
sumiglia a un profumadu gelsuminu,
la so bazzi é di un pizzoneddu.
La mamma si lu piglia in brazzu,
li brazzareddi istrinti a lu so coddu,
di tantu in tantu la dazzi un basciareddu,
e vi ru dazzi, carareddu,
con inmensu amori,
l'ammentani lu grandi ardori,
chi l'ha unida a ri isposu aduradu,
Gioca, canta fabedda cu la puppia
e pa la mamma é unè compagnia.
A lu fruscittu di lu babbu caru,
li ricciuli so subidu brinchendi,
l'anda incontru currendi,
a brazzi abelti, che agnuru vurendi.
Lu bon Deu la vida t'ha regaladdu,
possa piccinneddu, godilla pa zent'anni,
sempre firizi senza disinganni!.....

Spe, ultima Dea
